


考功集序



考功集者亳州西原先生著也

有子道行與余及驩長安二十

後遣其孫鳳翔問序于金

往先方伯談菴嘗及君采與

川南謂兩先生起河洛繼李



之後明興詩篇才情之美無過  
季迪聲氣之雄次及伯溫當是  
昔孟載景文子高輩實為之  
羽翼而談者尚以元習短之謂  
辭媿於宋所乏老蒼格不及唐僅  
窺晚季耳及弘德之際李獻吉記

北地何仲默起信陽邊廷實起  
濟南李川甫起大梁而先生起毫  
州海內稱李何邊以薛夫李宗杜陵  
何宗太白而三先生宏盛唐掃荆  
季之風窺正始之途天地再闢日  
月為朗不亦敷言乎大哉先生常言



古今談詩之難非詩之難而才與  
學之難也才本於天學係于人非  
其才雖學之不近也有其才矣非  
篤於學亦不能盡其才也明詩復  
古雖數君子振之而才有高下學  
為踈密未有窮其學之所至錫

其才之所能者也先生天才俊逸博  
極群書其詩善學古人而取法乎  
上擬古比於江文通游僊類於郭  
純景散行近體則嘉州蘇州隨州  
襄陽皆而出之即有明諸家未有  
如先生之律細而工者書記之文根



本六經直寫胞臆不煩繩削而矩度  
自合又言楊雄文簡而用寡勸百而  
風一悽于簡而文質而不俚報王  
子衡崔子鍾書可知也先生才高而  
學至者乎先生憫學者流于多岐作  
約言學者執言銓以求道作六經雜

說方士穿鑿乎性命之外而不知春  
性之為養生也立儒泥象于有無  
之內而不知無為之為有為也作  
老子解讀明佳墨氏書得其虛靜  
慧寂之說不逆于心已而證之瀛  
洛諸說至中庸喜怒哀樂未此致



之謂中曰是矣曰是矣故其學一以收  
性為鵠以慎獨為括以喜怒哀樂  
未發為真以能知未發而至之為  
竅收斂耳目澄慮默照信心而  
後著書唐應德銘先生之墓嘆  
心學之已久矣有倡為本心之說衆

譁然老佛而詆之矣學者避老佛  
之形而畏其景雖精微之論出于  
古聖賢者且惑而不敢信矣先  
生直接立儒之所最詎者以自信  
而不惑其特立者欤唐子可謂知  
先生之沒者不佞竊謂先生有必為



聖人之志而其詩與文皆原于道德而  
老子沒遠矣先生之解懸諸日月與老  
氏並存天壤此不刊之書也蓋何以  
以文人既亦先生哉先生名蕙字君采  
號西原別號大寧居士為大寧齋  
日記十卷藏於家

萬曆辛卯春日

賜進士第通議大夫南京大理寺卿  
前應天府尹奉

勅專受漕務督理廬鳳淮揚糧  
儲提督四川學校馮錫陳文燭撰

陳西

五



詩

卷

薛考功集目錄

卷一

孤鴈賦

四言古詩

吳天贈崔子

玄鳥贈蔣氏

晉七賢圖像詩

壽顧華玉母分得雲林夫人

顧東江先生遺善堂詩

樂府

宋德鍾  
堂雅等  
本書籍

觀古

曾在  
堂



盛唐樅陽歌

交門歌

上之回

善哉行

煌煌京洛行

黃鵠篇

臨高臺

鷄鳴篇

雉子班

君馬黃

巫山高

江南弄

鳳笙曲

游女曲

朝雲曲

趙瑟曲

宮中樂

從軍行

祈楊柳

采蓮曲

綠水曲

隴山

游俠篇

聖人出

戰城南

短歌行

君子行

隴頭吟

日出東南隅行

猛虎行

出塞

元會曲

對酒

春游曲

長安道

洛陽道



劉生

關山月

驄馬

送遠曲

江南曲

隴頭水

夜夜曲

芳樹

白雪

將進酒

行路難 三首

從軍行

長門怨

長信怨

莫愁曲

燕歌行

從軍行

涼州詞

塞下曲

梁州詞

從軍行

鳳臺曲

春江花月夜

飛龍篇

戰城南

五言古詩 卷之二

效阮公詠懷 三十首

雜體詩 二十首并序

班婕妤 詠扇

魏文帝 游宴

陳思王 贈友

劉文學 公謙



王侍中 從軍

阮步兵 詠懷

張司空 閨情

潘黃門 羈宦

陸平原 行旅

左記室 詠史

張黃門 苦雨

劉太尉 傷亂

盧郎中 感交

郭弘農 遊仙

謝僕射 遊覽

陶徵君 田居

謝臨川 遊山

顏特進 侍宴

謝法曹 贈別

鮑參軍 戎言

遊仙 十首

五言古詩 卷之三

贈何大復

贈孟望之 四首

贈張仲脩 二首

叙歸

過城西野

晚起

夏夜

田中築舍修治樹藝

晚出齋中

冬初

除日

丙子十月二十八日初發鄉邑述征有作



憶句曲山寄顧英玉

若暑

候大駕回

祀陵作

秋日署中簡諸君子

贈饒平令曹先生

雨霽間望

看月

贈劉子緯

對雪簡崔洹野何大復

雪後觀月作

長安西門候朝

荅何大復

月夜坐憶

過孫世其館中

訪史內翰不遇

何中翰夜集

崔太史席上詠翠杯

詠御溝鴈

雜詠六首

詠風

詠燭

詠屏風

詠蒲

詠萍

詠兔絲

荅祝禮部

贈士奇允升

秋日感懷

舟行雜詩九首

郭外治宅

詠料絲燈



游西郭

首夏

冬夕

曉坐齋內

郊館

始還別業春際游覽

西郊

行園

郊居作

曉出東田遂游溪上

齋夕

暮春園中作

對雨

荅顏惟喬

游城南園林用開襟濯寒水為韻

城西亭子宴集

用桂棟留夏魃為韻

八月十四日夜餞伯昭五首以圓景早已

滿為韻

郭外

寄劉希尹

夕詣郊外

晚游墟中

自西野循渦曲臨眺贈同遊者

卧病賦懷

雜詩五首

冬夜

舟中看雨

志感二首

贈別翟廷獻



太嶽詩三章贈陸元望少參之武當

翁中賞牡丹是日喜雨得知字

雨中姚氏園候客  
桂洲詩

蒲汀詩四首

徐子容薜荔園十三詠

思樂堂  
石假山

水鑑樓  
風竹軒

蕉石亭  
觀耕臺

蕃薇洞  
荷池

栢屏  
畱月峰

通冷橋  
花源

安陽道中留別崔子鍾

贈劉希尹  
釣磯

月夜望雪  
贈王山人

贈蘇允吉侍御二首

小園舊名退樂中丞馬敬臣先生改曰

常樂因為題榜兼賦古詩二章見贈蕙

敬次韻奉酬且記吾園得名之始



贈李子西

送林汝雨提學嶺南

日暮

寄穆玄菴

菴中

贈孔汝錫

南園對月與孔汝錫

丘中

寄浚川先生

次韻肅顧武祥

莊生

林臥

番別

七言古詩

卷之四

元夕篇

龍虎山歌送范同年汝和

送范師舜調南京兵曹兼訊顧英玉

寶劍篇

羲和行

五月日食作

題陳明之畫菊為何子元先生作

鄭繼之館內積雪為小山戲作長句

南唐李昇畫竹題云昇元閣上作賜宋

齊丘



黃河行贈管汝濟病歸

送太乙子歸華山

題郭鳴世鶴亭

梁園歌贈李川父

醉歌贈姚汝修

嵩丘歌送蔣子雲

鄴都引

夏夜暑甚不寐

酬劉希尹贈古鏡歌

寶刀篇

結交篇

單酒辭

甬張路寄畫佛及觀音

贈王子正侍御

希夷先生墨竹歌并序

希夷先生墨竹短歌

文徵仲畫老子見贈舊嘗寄觀音像併

此奉謝

贈袁貞白

張南園畫雲南圖

東方朔竊桃圖為許封君題

題作

梅花用東坡韻

泣玉行

五言律詩 卷之五

藥室詠六首

臺上



水亭二首

邯鄲館中

北征

昭王臺

九日同何仲默出郊

駕出南郊

駕幸南海子

春日禁中遇雪

元夕與隆寺觀燈

送劉子緯病歸

送周侍御

送李儀賓

海棠畫扇

病中何仲默蔣子雲過訪

送徐中夫令南昌

贈董應期侍御

荅王允升省中對雨見憶之作

送毛敬父之廬州

望湖亭

石經寺

送蔣國信之桐鄉

七夕集廷獻宅

七月十五日夜對月

道院秋日海棠

宴故英國公山亭即

文皇帝賜第

送戴長史

八月十五日夜同諸友觀月

書省內壁



雪 時車駕北狩大同

訪雍山人

晦日夜集

答士奇

同士奇子雲飲

招廷獻子雲飲

春夜過時濟飲

夏日遊道觀

陳真人館中賞荷花作

仲夏即事

江中四詠送黃日思韻限本題同諸公作

江霞

江雲

江花

江猿

六月八日西關遇雨

落日

寄何仲默

九日遊興隆寺

晚過仰之置酒

晚坐有懷

對雪

謁茂陵祀孝貞太后

功德寺

蕭氏園 二首

送馬伯循 二首

重游蕭氏園 二首

歸別業作

扶策

西齋

郭外

西園對雨

酬惟喬贈巾

酬惟喬惠鹿



泛溪

秋夜

別墅即事

秋日溪上

九日顏子攜飲西郭

新館

晚過鄰叟

環堵

不寐

丘中

原上曉望

負郭

晚步

寂寂

贈顧英玉時謫許州過堯見訪

漕河舟中作

元夜諸公會不赴

送南元善守紹興

文徵仲蔡九遠初至都下會飲興隆寺

王直夫館中分韻得涼字

送朱侍御之南臺

王明叔東谷卷

同大復避暑寺中

玄明宮後圃石山

二月八日趨事山陵出郭有述

行次陵下

祀歸作



晚憇玉泉寺

泛舟二首

直省中懷浚川

送樊侍御孝甫奉母東歸

寄孫山人二首

道院看牡丹晚際遇雨作

對雪

詠新竹

山亭

次韻酬孔汝錫

余有洮溪硯乃孔汝錫所贈者每懷其人因成斯詠

李子西送佛頭青花得自永寧王宮中蓋牡丹之殊異者喜而賦詩且改名為萼綠華云  
春日宴集

閱世

謝文徵仲寫金剛經

晨起

玉簪

紫薇

牽牛

鷄冠

菊花

九日周守宴集

觀舞

夏日即事



暮春

次韻肅徐遠卿侍御三首

次韻蘇允吉侍御臺中四詠

寂寂

村居

七夕

對雪懷孔汝錫

五言排律 卷之六

送周子賢按貴州

欽何太僕答贈

送許御謫定州

送劉長輿

寄題延陵吳長史山居

游天壇沈道士館得燈字

過魯山禪師故院世傳師講經雨花因

題斯句

送劉遵教赴河南僉事兼河北兵備

寄崔內翰

寄何中舍

北狩

寄范處士

賦得張公洞壽吳封君 除夕作

閒居作

至日寄都下舊游



歲暮田居寄子雲希尹

庚辰八月謝病南歸奉寄王浚川先生

三十韻

恭讀嘉靖改元詔書十二韻

寄劉士奇王允升戴宗道張時濟四同

年三十韻

往與諸君同在此部

出行四圖為何燕泉先生作

送顧華玉邊廷實歸南都

送王舜夫水部之東魯官廨

送楊石齋

贈白貞夫

丙申歲始見二毛賦詩紀之

夏日郊居偶書十韻

七言律詩

卷之七

卧病貽友人

訪孫世其叙飲

王明叔同年夜集

贈陳真人

春雪懷孟望之

歸鴈

寒食對雨遣悶

雨中遊翠微山

秋日游都南水頭



題張子醇西峯草堂

贈繼之

孫氏沱西別業

雨霽齋

寄邢伯輿

春日禁中即事

李子中林懋易曹仲禮王稚欽夜過分

韻待涼字

西湖

道院看牡丹

自西山歸經西湖遇雨

送許伯誠時御之江南

送李子中

睡起

河曲避暑

小園納涼簡子正侍御對丙有懷

友人枉過有作

人日

元夕郡中招觀燈不赴

西亭宗室送白牡丹一本走筆書此寄

謝

自賦常樂園一首

孔汝錫得陝右少叅邸報臺中舊養一  
鶴俄鳴舞而去汝錫感而賦詩因同作

一首

草堂

辛卯春日作

病起偶作



清秋

木犀次萬侍御韻

龍潭 在渦河西歐陽永叔有詩

雪霽

早春南園作

春陰

雨晴再次前韻

雨中客至

海棠

病中對雨憶南園牡丹

南園觀牡丹時雨霽病亦適愈

牡丹送寺中供佛兼題短句

牡丹

寄劉希尹

小飲芍藥下作

夏日南園

小圃雜蒔藥草偶成四律

瑩心亭觀荷花作

病夫

感懷

懶慢

蘇侍御孔汝錫僉憲同觴小園薄暮值

雨驟作四韻奉呈二公 中秋對月作

五言絕句 卷之八

花下

草堂



通許館對月

滁陽孫氏山中五詠

泉源

流觴渠

月橋

雲洞

晉客亭

城南梅開簡友人

御溝

西園

秋浦

東臯

早春

六言絕句

田園樂 七首

七言絕句

奉同王浚川海上雜歌 九首

十五夜

奉同何大復苦熱行 十首

皇帝行幸南京歌十首 中秋夜待月

遠游曲十首贈鄭繼之 并序

雪七絕

晚寒

中秋看月 二首

春日漫興 十二首



戲成五絕

題空上人山房

宮詞十二首

新春賞梅花作

溪濱

春日宴南園

春日郊居

讀李空同詩

上巳日簡諸友

山館

小閣

嘲楊花

春暮

杏花

芙蓉

梅花

書卷之九

答王浚川書

再答浚川書

答崔子鍾書

再答子鍾書

與浚川論二氏書

再答浚川論二氏書

答崔子鍾書

答王浚川先生論文書

答友人書

序卷之十

坐忘論序

升菴詩序

老子集解序

送郝令孫子序

贈劉希尹序



贈王直夫序

贈王子正先生序

記

高氏大宗祠記

三難軒記

雜著

用剛贈林守

或問辯

書戰國策後


策問二首

薛考功集目錄

終

薛考功集卷第一

考功郎中毫薛蕙君采著



賦

孤鴈賦

孤鴈感物也渦水上有孤鴈隨人家  
畜鷺鷥輩以取食人或逐之輒飛去  
入左右洲渚間然終不遠去也予游  
城西有野人指示予心惻然傷焉因  
作賦云



遵長河之峻阪出城隅以西徂望鴻鴈於河涘  
竚徬徨而獨居容艱憊以愁頓首悽愴而號呼  
伊斯鳥之嘉淑產異質於幽荒體貞信之至性  
動靜一其有常固羽族之殊特衆鳥孰可與比  
伉故其行不失時止必擇所候暖北逝先寒南  
下旣冒險而涉危曾不恤夫勤苦惟衆鳥之多  
智曰庇生之得宜弗一遘於艱難羨暇豫之無  
期或巢山巔或游海涯奮首虹霓濯翼天池託  
戶牖之巍巍下民莫得以或窺足無虛跬翼不

勤飛資飲啄於尋丈遷徙弗踰乎旬時何斯鳥  
之劬勞增荼毒其曷已將材質之不倫固天命  
之難俟瞻北都與南國念室家之靡止道路夙  
以遼遠間一歲而萬里復有羣侶中迷雄雌死  
別目駭魂驚飛沉隔絕始迴遑而不進終躊躇  
以永訣爾迺背雲路下緒風依沮洳潛蒙茸捐  
燕越之故思甘愁苦而終窮雖六翮之尚在欲  
北歸其焉從於是淪形晦跡亡精矢志牢落遠  
遷躑躅無寄痛衆雛之一隔慕同類之難值伺



晨鳧而朝征逐駕鷺以宵寐豈卑湫之敢辭耻  
衆目之猜忌聲未鳴而先絕翅將舉而復墜呻  
吟幽僻周旋林壑踐曠野之嚴霜食潢汙之流  
萍延性命以苟存非初心之所營遭忘意之摧  
毀中無故而或驚况畏悸之叢至迫末路之惇  
惇避繒繳而往來困鷹隼之縱橫思逸樂之無  
遺憂慄紛其相嬰若乃陽律畢謝陰氣時作天  
清日迫草枯木落明月出兮皎皎野露皓以漠  
漠慙南游於朱厓懷北棲乎玄朔魂魄竦而怵  
惕顧形影之寂寞吐哀響之嘹唳志激昂而將  
躍動幽谷之虛籟停高門之曉柝聞之者怛悵  
而自憐見之者歔歔而不樂嗟斯禽之可哀像  
羈旅而無朋因昆蟲之同感未若斯人之有情  
汎游觀而歷茲忽容與而不行詠鴻鴈於周詩  
泣涕下而沾纓覽萬物之參錯悟大化之合并  
相吉凶與憂喜終同歸於杳冥齊百慮於一致  
孰云天道之不平

四言古詩



昊天贈崔子

昊天單威亦孔之棘憐莫有戾不寧我國我國  
斯瘼我民用卒如何昊天云不我恤  
國之方將尚曰靡卜國之旣悔伊何能穀昊天  
降訥弗遂弗畜哀今之人胡俾天祿  
有穉者木維其頻矣民之劬勞不遑辰矣戎作  
在國內有寇姦王事弘多寧有其殫  
國旣大廢君子于解三事朋友莫之能誨卿士  
大夫曰予弗逮昊天鞠怒則莫肯悔

憂心孔疚念及我友彼人有言我孔之耻曰予  
維服憂我父母舍是弗思憂我天子

曰彼在位曾不可耽如賈弗售載反其琛懿爾  
君子亦徂于南送子出宿悠悠我心

昔我邁矣朋友相予旣愆于卒我心如沮匪往  
匪來云我靡處之子于行憂心孔瘡

瞻卬昊天則莫敢邇旣夷旣屆則不我咎君子  
于行尚顧其後大命不忒爰其有止

昊天八章章八句



玄鳥贈蔣氏

翩翩玄鳥秋日載徂顛顛如何不遑室家悼我  
良朋憂心瞿瞿

翩翩玄鳥載徂秋日顛顛如何不遑家室悼我  
良朋憂心蕤蕤

翩翩玄鳥迨春而復之子于行將其不覲贈言  
匪多憂心孔臧

玄鳥三章章六句

晉七賢圖像詩

在昔有晉多士間出發揮上德彌綸道術遐蹤  
齊驚高軌競軼竹林之徒厥維入室阮公矯志  
貴利弗就流連沉湎却彼婚媾英材傲儻殆迺  
天授大人有傳跨騰宇宙我我中散龍章鳳姿  
彷徨丘澤咀嚼雲芝神交隱淪精感靈祇解形  
東市人靡能闕邈矣叅軍神棲亡愕瞬息萬代  
跬步六漠茂盼貴介耽彼三爵禪中之譚實維  
善謔仲容秀發頡頏叔父神闡均律妙洞擊拊  
郭奕心醉荀勗妒媿始平之出何其舛迕向子



清悟莊惠同科析辯神緯揚此玄波佐鍛柳下  
灌園巖阿徘徊鳴笛惻恰如何巨源簡靜夙懷  
高舉逡巡待價儀刑朝序拔材銓選畫議軍旅  
至道在躬是日餘緒濟冲朗鑒神量玄遠特哉  
多辟降志舒卷並美張裴附交稽阮酒壚結悵  
微情繾綣川則珠暉山維玉絢猗嗟七子豈時  
之彥中行雖忒聿協狂狷丹青式績精爽如見  
壽頤華玉母分得雲林夫人

金臺曾構嵒波潭池王母攸廬問誰侍坐細姍

季女一何秀嬌媿曰雲林僊人字我色侔瓊  
雲髮翠妥陵歷滄浪出入靈璫鳳駢戩壽龍輶  
婀娜却蔭芝蓋俯拾玉果圃有洪桃花萼未墮  
紛紜周漢闇如石火湘靈舉楫洛妃擁袍曩棲  
海右今遨江左

顧東江先生遺善堂詩

紛綸靈系昭晰瑞圖在昔帝嚳爰及昆吾嘉祥  
誕發茂慶攸敷比暉四姓著美三吳其一谷水盤  
紆崑山峯鬱鬱彼顧林本支斯託豐謀未艾聞



人間作式覽厥初匪今伊昨其三五迭終公侯  
復始維少宗伯克昌其祀祇勤于德今問不已  
士瞻師表國賴耆齒其履滿思謙居崇鑒替于  
時念哉詔爾苗裔曰求彝訓曷以永世無或昏  
逾祖考是繼其昔爾先祖遺善自名烈考嗣之  
率是攸行奕世載德用底昭明逝矣後昆無忝  
所生其粲粲新宮峩峩層構載偁祖號訓迪來  
胄畏愆若墜慕道罔後天命不愆介爾蕃祐其  
堂置詩書庭陳金石鳴鶴相啞芳蘭如積入生

修容過閭竦迹矧爾子孫孝思無斁其不葉  
興鴻源遐吐於赫祚胤適追祖武千億重規雲  
仍疊矩我歌此詩以告終古其八

樂府

盛唐樅陽歌

盛唐樅陽歌者漢武皇帝作也元封  
五年帝南巡荆陽親射蛟尋陽江中  
獲之作是歌

帝之狩順祥時察南服臚九嶷會大海濟江淮



朋神禹逝九閩江之沛蛟魚出顯君伎誅弗率  
彎天弧孛流矢雷電隕赤江水叱東井治江維  
波神平水蟲嬉兇惡伏帝壽昌邁盛唐出樅陽

交門歌

太始四年漢武皇帝行幸不其祀仙  
人交門宮若有鄉坐拜者作交門之

歌

朝泰一陟分丘降石問臨之果熙事成徧東西  
祈交門肇迎年陳玉席潔椒糝通八神召靈圍

續徠翔神光燭祭中壇華紫幄元禮登告嘉維  
靈允答與帝期靈交際萬壽徵帝無疆仙為朋

上之回

上之回禮靈時神心愉祚皇祉上之回定諸國  
西南輯震東北上之回樂孔博游昆田歷鳴澤  
上之回樂無射年萬億長無極

善哉行

來日大難痛心疾首今日為樂莫懲其後大難  
如何昊天不嘉吉凶有時人莫之知鹿之游斯



在彼中野庖人調和將以爲脯翩翩白龍好是  
魚服豫且射之載中其目少康出畋不復其舍  
戎王朝臥廼縛尊下式或在始式備在終匪戎  
匪備害于其躬天命戾止匪夙則莫勉爾在位  
無俾天怒

煌煌京洛行

猗猗椅桐斤斯斧斯人之維良胡俾遺之豈弟  
君子人之是穀君子不弘人之無祿絺綌在冬  
子曰有衣終朝不饋子曰罔饑此之乞乞子曰

不力往之揭揭子曰不直有管有蒯女子采之  
九九之術齊君禮之室周讓御簡子是取臧文  
之賢譏於孔文吁嗟士人生之窮兮我思古人  
惟周公兮

黃鵠篇

飛飛者鵠于彼蒼天大風阻斯羽沉于淵有松  
有栢其枝嶙嶙雨雪迨斯化爲枯薪烈烈冬日  
蕭蕭比風雖有神龍宛彼地中天命有假人謀  
有仍嗟哉士人曰予無能舟利于川弗利于陸



君子于行維顛之速相彼哲人爰得我匹且以  
嘯歌且以永日

臨高臺

臨高臺下有萬丈之洪波羣山杳感第鬱乎其  
隈疾風起兮南北陂池沸渭而成雷時却顧以  
自失心懔懔其傷懷北望深林叢生崔嵬柯條  
糾而旋互榮采駁犖乎巖崖衆鳥哀鳴聒日夜  
猛獸垂喙旋踵而徘徊嗟君無萬斛之淚胡來  
乎此地一來此地何由迴

鷄鳴篇

鷄初鳴日東御月徘徊招搖下雞再鳴日上馳  
登蓬萊闢九閨雞三鳴東方旦六龍出五色爛

雉子班

雉子班五文章錦爲衣繡爲裳狀壞異志勁剛  
美爲災技自妨罽雲羅掩天網就樊檻辭山梁  
荷仁惠不殺傷啄甘實飲清涼形柔暱意悲惶  
惟平生詎有常感恩遇回中腸循周榮棲幽房  
委微命畢君傍



君馬黃

君馬黃臣馬玄二馬並驅君馬前君馬前臣馬  
後山高路長馬不走君當行臣當歸與君齊足  
焉能希

巫山高

巫山高鬱鬱襟帶亘天涯上靡白日陽下陵青  
雲眉玄巖何嵯峨層巘互參差景象非一狀遠  
望令心悲獻歲出游獵千乘齊交馳翠帳羅曲  
阿羽蓋垂瓊芝龍騎戲蕙圃鷓首戲蘭池回車  
背中路娛樂未云疲置酒景夷臺設禮高唐祠  
君王千萬歲歲歲長如斯

江南弄

芙蓉嶼口茱萸潭朱唇一笑酒乍酣牽裾並袂  
歌江南歌江南望塞北思不見情無極

鳳笙曲

白玉作簫黃金葉鳳翅差池凰羽接竒弄徘徊  
曲重疊曲重疊聽增傷鴟鷄舞白鶴翔

游女曲



春草纔生春冰沒江南少婦戲春月步拾明珠  
曳羅襪曳羅襪動春衣留中洲憺忘歸

朝雲曲

流光動豔影徘徊稍集楚館臨荆臺乍近復遠  
望不來望不來竟借逝攬女衣游雲際

趙瑟曲

春風初闌花半落美人挾瑟坐重幄促柱催弦  
勸君酌勸君酌爲君歌君不飲奈愁何

宮中樂

偶過昭陽館雕櫳閉絳紗卷簾通一矢落盡滿  
庭花

從軍行

玉鞘錦絲條珠韜白雪毛甘泉望烽火一夜過

臨洮

折楊柳

三月盧龍塞沙中雪未乾朝來折楊柳春色憶  
長安

采蓮曲



眉暈風吹薄衣香水濺消朝朝采蓮去空轉木  
蘭橈

綠水曲

春洲霽煙雪潺湲激綠水戲羽亂參差開花雜  
藿靡綽約蕩舟人嫵媚弄珠子芳菲不可忘冶  
麗復如此

隴山

隴之山兮在彼西北子之征兮防禦中國隴上  
之木鳥不肯息隴下之水魚不肯食

游俠篇

君不見翩翩游俠子虎變龍淪世叵測轉海摧  
山力無比君不見闔廬堂上養死客吳王酒酣  
客進炙千金七首匿魚腸俄頃蛟龍飛霹靂又  
不見夷門老翁屠肆兒陸沉大梁人豈知竊符  
奪將付公子秦人北解邯鄲師古來豪傑皆若  
人意氣激叩肝膽真傾軀寫心不自惜排難解  
紛如有神丈夫自是英雄者左拉荆軻右古冶  
寧當刎頸卧道傍誰能搞死蒿蘆下君不見虞



卿齷齪絕可憐託身魏齊捐相權平生著書萬  
言在不如刺客三尺之龍泉我今落魄復如此  
放歌飲酒長安市結客曾過滄海君報讐欲借  
幽并士洒闌擊劒歌莫哀眼中豎子何有哉明  
朝事就拂衣去却隨梅福觀蓬萊

聖人出

聖人出應昌期受命上帝下民咸來歸聰明冠  
羣倫道德何巍巍虛已彌謙畏入有輔弼出有  
師俊乂起爲股肱讒佞比周退而無所施教化

之行自京畿四方取則莫我違人革其心不自  
知復反醇厚去澆漓和氣細縕風雨時百穀被  
野多如茨醴泉溢流生靈芝慶雲在天神爵飛  
四門大闢通九闈南面端拱垂裳衣羣臣上壽  
獻歌詩天子萬年兆民永賴之

戰城南

戰城南軍敗歸卻行入城爲虜圍虜圍急士心  
悲外無援兵虜馬縱橫馳顧謂同舍兒旦暮迫  
死期虜來殺我盡何人報我子與妻戰城南良



可哀今年出戰不復還明年更驅生者來暴虎  
或可活擊虜決不回請看長城下白骨何壘壘  
吾聞古者天子守在四夷何必使中國之民填  
溝壑於匈奴之地爲

短歌行

蟋蟀在堂野有繁霜我心悽悽不可暫忘豈無  
旨酒可以燕遊豈無琴瑟可以娛憂瞻彼日月  
終古而在百歲之期寧莫我貸人亦有言道憂  
世促千載一遇匪遲伊速異世而合夜夢周公

同堂而違仰視飛鴻秋有楛槁春榮則多嗟我  
人斯其如命何

君子行

君子思危懼不終日衆人居安沒齒自逸君子  
思退如迫于淵衆人思進如逐于田損益之變  
何其相反苟非明智孰能及遠人知其終莫知  
其始吉凶之萌鮮不由已上天無私何怨何親  
福不擇家禍不索人道有險易事有從違於乎  
小子慎爾所之



隴頭吟

沙漫漫石簇簇馬仆車摧隴山曲隴山日日行  
不前夜夜還從隴間宿關東只說羊腸阪那知  
隴阪如天遠隴阪逶迤距西域古來此地希人  
跡山川本自隔華戎君王直欲吞夷狄自從漢  
虜互相讐塞上風塵無日休幾群天馬來荒外  
百萬征人戍隴頭堪嗟百萬征西卒半作隴山  
山下骨誰爲戎首禍斯人後有漢武先嬴秦秦  
家無策良可嗤漢制匈奴空爾爲願令邊郡謹  
備寇不用中原多出師

日出東南隅行

日出東海隅西入崑崙墟六龍踴躍駕日車往  
來萬里纔須臾人生寄一世逆旅難久居羲和  
何不仁感迫更相驅顏回短折果何辜老彭竟  
化千金軀蒼天夢夢白日闇居然不辨賢與愚  
吾將命后羿仰射三足烏焦僥弋鴻鵠作計良  
已踈魯陽揮戈等兒戲夸父奔走空區區西方  
調御之丈夫教我脩道歸虛無虛無國中無壽



天一任義和變昏曉

猛虎行

饑不從猛虎食貧不從權貴游  
猛虎窟中多惡少貴人門下非清流  
蒙鳩巢葦苔乾鵲代渠愁飛鳶啄腐鼠  
鳳凰見之悲且羞長安道上車馬客  
處身頗似二鳥儔苞苴不獨結諸公  
唇舌還能媚五侯紛紛豎子焉足數  
可惜英雄亦同伍賢人翻在平津閣  
文學來依車騎府男兒貴作不羈士  
逶迤匍匐何辛苦君不見會稽狂奴真

傲恬萬乘留之徑歸去羊裘懶卧七寶床  
釣竿笑拂珊瑚樹

出塞

陰山虜騎喧上郡羽書繁匈奴入邊地  
將軍出塞垣竒材募荆楚善射選樓煩  
朱旗類電掃玄甲若雲屯懸師度沙漠  
飲馬抵河源金鼓青天動風塵白晝昏  
怯夫思勇鬪死士耻生存月氏方破滅  
日逐盡崩奔都護領西域呼韓守北籬  
當令四荒外咸知大漢尊



元會曲

握乾御紫極出震撫青陽履端受百祿朝宗來  
萬方玉輅充庭陛金奏響巖廊垂衣揖羣后置  
酒燕周行欣欣醉湛露穆穆仰天光千春賀元  
會懽娛良未央

對酒

畏塗有千慮勞生無寸隙唯餘對酒時暫作伸  
眉客妖姬雜睨笑懽友連袂易相逢判一醉錢  
刀非所惜

春游曲

春來春驟好春游湏及早招邀南國姝追逐東  
郊道合尊圍綺樹調絃藉芳草人生非取樂空  
令少年老

長安道

神州應東井天府擅西秦雙闕南山下千門渭  
水濱公卿畏主父賓客慕平津方朔何爲者虛  
稱避世人

洛陽道



鳳闕正中天龍池帶洛川層城三市列復道兩  
宮連錦障藏歌伎羊車戲少年更逢嵇阮輩長  
嘯酒壚前

劉生

劉生喜輕俠關輔遍經過新市蹋鞠戲高樓擊  
筑歌駐車訪朱亥爭博叱荆軻不爲微名譽惟  
矜意氣多

關山月

迢迢關山道淒涼霜露特如何秦地月

天涯切切胡笳怨蕭蕭邊馬悲高樓有思婦苦  
樂詎相知

驄馬

驄馬負奇氣昂昂態不羣綠駿搖鳳鬣赤汗染  
龍文睨影思邊月長鳴向朔雲願馳千里足一  
戰立功勳

送遠曲

勞勞亭下秦淮水錦帆搖搖繫沙尾少年遠作  
萬里行愁結雙蛾低不起向來祇謂新知樂不



悟罷成別時惡尊中安得千日酒同埋黃壚亦  
何有

江南曲

江南光景殊無賴水如碧玉山如黛吳王舊苑  
芳草多鴛鴦飛過斜陽外船頭醉岸烏紗巾興  
來看遍江南春五湖倘遇范少伯奪取當時傾  
國人

隴頭水

隴關出塞路征客離鄉思忽聞鴉咽水共下潺

淚

夜夜曲

烏栖瑣窓靜露下羅衣薄脉脉對蘭缸夜夜同  
煎灼

芳樹

芳樹榮春日萋萋盈後園絳房承露坼素葉向  
風翻散影連雲屋吹香入網軒美人來已暮零  
落復何言

白雪



白雪擅紛華耀此玄冬暮紫迴颺朔吹蕭散流  
陰霧已並粉闈鮮還增玉階素願欲集君筵皓  
齒多相妬

將進酒

將進酒杜康之族無不有處州玉露金華碧裏  
陵鶯黃河內白我家綠醞亦無敵五君合計九  
萬石一日一石當擊鮮樂飲可支三十年不須  
虛無求列仙不須枯槁縛幽禪壺中之道極玄  
玄養神鍊魄合自然眼花耳熱體醜醜一

酌倉浪天天地變化無時休日月出没不少留  
人生戢戢蚤蟻儔須臾零落歸山丘開闢至今  
八萬秋古人魂魄猶在不喟然念此令人愁惟  
有杜康堪解憂君不見咸陽白帝子并吞六國  
心未已百年謾作萬年計恰似蜉蝣望秋水又  
不見西楚重瞳公諸侯震聳趨下風音烏猝嗟  
氣蓋世螳螂怒臂將無同兩雄恣睢浪自苦自  
餘么麼何足數君當快飲我起舞樂哉醉鄉真  
樂土作歌者誰君采甫酒徒之名垂萬古



行路難 三首

君不見山中行人葬虎腹復有貪狼飽人肉天生二物毒瓜牙比似讒人未爲毒讒人之毒在利口能覆邦家如覆手一夫中傷那足悲萬事紛紜真可醜君不見伯嚭加誣子胥刎越師西來吳國盡又不見上官納譖屈原死楚王讎爲秦地鬼讒人反覆不可憑變易是非移愛憎重華聰明疾讒說詩人怨憤刺青蠅青蠅營營點垂棘讒口囁囁非正直已於平地置機穽更向

通衢布矰弋可憐豪傑死道邊總爲奸邪在君側行路難行路難只在讒人唇吻端寧當脫屣蹈東海不須驅馬入長安

我歌行路難什百之端歌一端丈夫委質事天子豈謂當由左右始九重邃遠壅蔽多䟽賤孤臣竟誰恃君不見賈誼上書談世務漢皇欣然絳灌怒祇言旦暮即公卿一麾却作長沙傳又不見董生硜硜守廉直儒者安知丞相力白頭不得里中卧遠徙膠西驕主國二公之事略無



異史策紛紛多此類餘風積習傳至今覆轍危  
機在平地沛國迂儒不曉事酷信丘軻泥文字  
往年抗疏嬰逆鱗賜玦歸來十二春豈無高足  
據要津未肯低眉于貴人貴人方寸九折坂况  
我三輪行不遠帝閭無路欲何之五岳尋仙未  
應晚

男兒有事在四方我今胡爲不下堂白首徒懷  
經濟策青袍虛忝尚書郎蚤年不睹道路澁慷  
慨登朝期樹立萬分論議甫一吐羣小猜議戕

橫集自茲投劾歸田里洶洶風波猶在耳敢恨  
流離世不容獨幸崎嶇身未死摧藏無復異時  
意攀援永謝同朝士始悟高賢好長往却愧頑  
踈昧知止君不見當時汲汲魯中叟褰裳濡足  
常奔走七十二君冀一遇枘鑿方園終不偶楚  
狂悲歌傷鳳衰鄭人竊悼喪家狗大聖行藏且  
如此小儒功名亦何有閉門不免憂饑寒出門  
險巇千萬端禍福重輕君自看不如解却頭上  
冠懸車繫馬但高卧莫歎人間行路難



從軍行

少小慕功名擊劔復談兵誤信封侯事甘作從  
軍行一朝備行伍幾處罹辛苦西南通遠夷東  
北攘驕虜武帝雄材略土宇新開拓銜命馳嚴  
馬登壇延衛霍諸將竟邀功歲歲出臨戎勒兵  
盈塞外發卒徧關東騷屑干戈動蕭條田野空  
廟謀貪戰伐邊隙開胡粵軍興急星火兵連淹  
歲月戈船下領水策馬踰葱雪山川行未半容  
鬢驚凋換寒冰手指墮炎風肌肉爛思鄉已淚

盡望遠堪腸斷怫鬱魚泣津凌兢猿駭听悠悠  
歷絕國險道何傾側虎穴詎可入鬼方寧易克  
間使閉昆明單兵陷䟽勒全軍有天幸從吏無  
人色天時變殺機壯士奮兵威飛矢風鳴鏑推  
兵血濺衣長驅五王國大破九重圍萬里懸旌  
出三軍奏凱歸邊垂日無事烏盡良弓棄行直  
貴臣憎功高同列忌賞格多排沮謗書仍負累  
白頭還士伍赭衣從吏議輸力奉明君忠邪不  
見分丹心徒貫日劔氣枉凌雲人事竟莫測天



命諒難聞可憐麟閣上不畫李將軍

長門怨

新懽侍清宴舊寵棄深宮相妬本相似君恩那  
不同歌喉嘲飲泣鬢髮笑飛蓬誰信黃金屋繁  
華一旦空

長信怨

異時陪玉輦同載召娥眉寵極有衰歇恩深多  
怨思秋風吹網戶春草被丹墀不及主家伎空

莫愁曲

莫愁曲

儂家住石頭綠水繞歌樓不是工娛客何緣字

莫愁

江水映江花春光滿狹斜金陵衆年少爭到莫  
愁家

燕歌行

漢初匈奴雄北邊邊城蹂踐何蕭然歲歲金繒  
輸瀚帳年年烽火照甘泉武皇憤怒按劍起詔  
遣將軍擊驕子隴西壯士出玉門幽冀精兵度



遼水遼水風濤駭陣雲燕山雨雪雜兵氛河南  
昔日據胡寇塞北今朝屯漢軍軍中嚴鼓催軍  
發陣前突騎爭馳突飲馬懸愁瀚海乾彎弓已  
射旄頭沒喧喧將士劇風雷惴惴匈奴若死灰  
單于夜半冒圍去校尉平明逐虜回收兵反旆  
休沙漠三軍歌舞從軍樂腰下金刀尚血流帳  
外旃裘俱面縛捷書駱驛入咸陽凱樂鏗鉤朝  
未央肘後何須列侯印殿前願奉萬年觴

從軍行

少小習胡兵從軍在北平先登百死陣却破五  
重城邊郡勦王苦中朝論賞輕封侯自有數安  
用怨匡衡

受詔辭金燄提兵出玉關黃雲連大漠白雪滿  
陰山虎騎馳天外龍泉吼臂間匈奴儻未滅定  
自不空還

征人怨苦寒關塞更漫漫石堡依山峻沙場並  
海寬徒行隨博望仗劔斬樓蘭邀取麒麟畫祗  
令後代看



胡馬乘秋動邊城正晏開天寒弓力勁塞迥角  
聲哀雜虜憑陵至孤軍折北迴不知漢天子何  
日棄輪臺

涼州詞

隴西西去抵涼州邊塞蕭條處處愁青草不生  
青海曲黑雲常聚黑山頭

塞下曲

祁連山下單于臺漢帝屯兵玉帳開三十六軍  
呼萬歲狂風捲盡白龍堆

陰山縛盡犬羊羣萬里胡天散陣雲塞外降王  
三十部來朝盡隸霍將軍  
長城西北萬重山無數征人若個還明妃死後  
留青冢定遠生前隔玉關

少年征戰老邊陲文吏由來妬武臣空使鐵衣  
生蟣蝨不教援臂畫麒麟

日暮陰風吹鐵衣孤軍轉圍陷重圍虜中白骨  
行當朽樓上紅粧尚憶歸

不分匈奴數寇邊誓將性命殞胡天李陵劣劣



欠一死蘇武堂堂垂百年

梁州詞

秦築長城北備胡漢通西域制匈奴中原士馬  
曾無補惟見烟塵滿塞隅

從軍行

騎虜南侵塞嫖姚北出師連營羅組練分道引  
旌麾躍馬爭前列摧鋒背後期鼓行趨上郡  
卷向邊垂虎旅聲先振逼庭勢已危追奔逐  
近轉戰英雄此漢將功成日胡兒數盡時  
逃絕幕窮寇聚降旗獻捷歸雙闕揚威耀四夷  
從今橫吹曲增入凱旋辭

鳳臺曲

秦娥嫁蕭史新起鳳凰宮吹簫白日上携手綵  
雲中一別人間去千秋樂未窮

春江花月夜

春江歌綠水綵鷁戲金沙玉釵初映月繡帶乍  
藏花窈窕皆相似無如張麗華

飛龍篇



晨登金壇神君所治芝草叢生玄泉泌泌乘彼  
飛龍以遨以戲憫我衰老乃告要祕周流神庭  
壁門十二授我神藥盛以玉笥教我服食長生  
久視優哉游哉歲等天地

戰城南

戰城南出城北城南戰尚可城北戰不測清晨  
跨鞍馬迎戰城南下虜騎四面來提兵入中野  
中野何蒼蒼殺氣互低昂前臨五單于却距六  
賢王日出負戈起日入未能止人馬同時用

念身死身死棄山阿化爲泥與沙平生安足  
世間將奈何

薛考功集卷第一



薛考功集卷第二

考功郎中毫薛蕙君采著

五言古詩

效阮公詠懷 三十首

翔鶴赴長飈翩翩戾高冥舉翻覆白日伏頸雲  
間鳴顧謝野田雀僂俛營此生與子各殊塗無  
用相譏評

有已苦拘閔無生懼飄淪憂樂多所惑違取喪  
其真聃周父已徂此辯將何陳



存亡豈殊趣往復固恒理人生無延期百歲有成毀卽事且難預榮名竟焉恃感此愁我腸歎息未能已仰悟牛山對慙恨自今始

萬物豈不衆而予獨吾生吾生不暇治安用求其羸執籍雖利重刎喉非禍輕知哉屠羊子反市避三旌主父厭擯斥自謂甘倒行生幸五鼎食死仍五鼎烹

羣狙競芋栗喜怒隨轉移飛飛海上鷗矰繳不可施張儀謝蘇君趙令說李斯小義鮮能終邪徑固多岐利害異目前親讐在一時他人各有心媮樂且相欺徼倖昧全圖此計良可嗤

飄風振玄幕若木零朱華六龍匿西山濛汜揚其波翩翩市中子於心太回衰不見顛頽色但聞慷慨歌卑危誠未遠禍亂豈在多人人恤其私安能尚顧他已矣勿重陳嗟予可柰何生平保至貴變化去湏臾登遐上飄飄舉步陵九衢閭闔正晝啓陟降太微居躍靈闕重光長風厲六虛雌蜺左右翔雲蓋翼前驅回車層城



野總轡崑崙墟羣聖爲我族五嶽爲我廬豈與  
鄉間子握手少躊躇

朝登古臺上遙望大河陰朱明來自南隆暑倏  
已臨丹霞曜陽景渥露霑玄林炎風振曾柯鳴  
蟬響哀音四時代終始變化遞相尋盛長固殊  
昔遲暮方在今感物切悲情愴歎傷我心

才美未足喜技惡未足歎左右無親交雌雄安  
可言不見龐眉尉三世不徒官雖有韓長孺百  
金賂武安功名復如何巧宦良爲賢

生才良不幸處世誠獨難揚蛾與妬階懷璧賈  
罪端靈均既見放韓非亦自殘奉身失所從慷  
慨使我嘆

北冥有異物神變何崢嶸上爲千里鶴下爲萬  
畝鯨俶儻自足賴升降非已榮羞彼雉爵化齷  
齷忝我形

曠望三河側輕車並華輶壯盛值今辰志欲一  
來遊路傍續紛子馳驚各有儔腹內懷辛螫側  
目起相讐晏嬰畏仲尼惠施忌莊周疑似不可



居俛仰生苗尤感彼行露章獨處安所求  
昔有中黃伯立懂一何勞右手搏雕虎左接太  
行猱豈如東海翁嗜酒佩赤刀粵祝終不驗側  
身焉所逃

蛸蛸桑中蠹戢戢託爾軀下枝踰沉液上條咀  
槁膚飲食亦已遂不念彼樹枯樹枯竟何如  
憔悴在涓吏飄颻雲間龍卑高一何殊變化成霖  
澤千載長相俱

天上何所有上有九重臺日月闢房牖河漢界  
兩階白虎夾路隅青龍啾啾啼五嶽當束脯四  
海充一杯衣裳被雲氣左右結雙蜺彗星垂爲  
帶北斗束爲鱗舉足歷顛蒼往往不復迷朝集  
扶桑東夕降若木西

人生非殊分天命自有涯置此儻來者安用矜  
且琴蚩蚩當路子欣欣一何多玄冕結長纓丹  
組垂纖羅采耀連金璽文繡雜鳴和順風激清  
塵向日揚芬華意氣肯少假顏色每相加不見  
蜉蝣羽日夕歎咨嗟



蟾蜍宿南箕陰鬼淪東溟乘風避其災首旦集  
魯城神飈鼓洪濤雷電正縱橫大魚裂地底崑  
崙勢如傾西山有精衛舉翼方遠征志意豈不  
偉惜哉焉所成

龍伯有大人輕出越故疆東上五山巔學釣尾  
閭傍六鯨曳獨繭員嶠沉北荒天漢斷西流海  
水自飛揚列仙涕滂沱帝側巧中傷手中握朽  
骨悲壘不得長

生理一何殊巨細各有當壽陵入邯鄲匍匐六  
道傍西河惑交戰中山忌重傷揆力非所任  
枉失其常如何紛華子生平厭膏粱閒居羨幽  
深臨岐久徜徉貧賤誠不易鳩毒安可忘行矣  
反故塗貽爾以斯章

窮漠萬餘里海水周四隅中原勒千乘翱翔順  
風趨白羽翩翩飛一軍驚且呼揚節下高闕長  
纓繫單于右行臨月窟左旋出日區立功何足  
矜猛氣聊以舒

茲年忽將逝我心愴以哀日暮不遑食空堂獨



徘徊駕言出西城中有池與臺清渠夾阡陌寒  
露被蒿萊慨念昔時人零落安在哉玄象無淹  
次四序倏如摧自非藉榮名一日等塵埃  
朝出上東門迢遞望三川修塗未能半險阻屢  
遷延征馬立踟躇徒旅念歸旋捷徑不肯入安  
用直如弦熒熒罹苦辛失路誰當憐

昔聞黃靈樂乃在洞庭傍一奏魚愁入再奏鳥  
悲翔大聲豈不妙細物焉能當獨有雙玄鶴  
頸遙相望

嘉穀敗荼蓼良巢毀茅鷓路傍張四羅戟羽落  
卑枝卑枝亦已足尚須保其危捷捷少年子挾  
彈來追隨俛仰偕儔侶言笑盛容儀當面施柔  
謙中心懷嶮巇詩人亦有言正直神所依禍福  
有固然反側焉能稀嗟爾衆多士茲理不可違  
昔余少年日浮湛聲色場追逐公孫子馳騫狹  
邪旁一醉累旬朔一出歷四疆歡樂未及竟憔  
悴使心傷晚讀列仙傳始學却老方萬事不足  
競二物焉難當十年燒丹液効狀亦茫茫更希



遊玄漠得失兩俱忘

守道遺榮利趨物喪其真  
拙伸難並觀高尚良  
可倫不見玄廬子精神已無存  
煌煌口中珠含此誰爲珍  
富貴焉足求甘我賤與貧

涼風起中林槁葉落如掃  
徘徊此何時歲暮一何早  
吾生隨物化安得不枯槁  
惆悵終日夕延頸望雲島  
榮名非所慕神明可長保  
手把三皇文五嶽訪芝草

朝游東海上親見安期生  
袖攜麻姑書揖予上天行  
忽忽從之去一舉陵太清  
白榆何歷歷桂樹亦青青  
朱爵七十二鼓翼相和鳴  
玉女顧我笑執手戲紫庭  
萬歲同娛樂天地長齊并

朝逢遠遊子車馬一何閑  
問君安所之道路方獨難  
人情惡特立世態好纏綿  
一身欲誰從多門易生怨  
行行保子驅歲暮當來旋

啾啾野田雀徘徊丘中阿  
上飛有鷹鷂下飛有網羅  
人生誠未易禍福豈在他  
譽者日已少惡者日已多  
感彼恭士言悔恨將如何



雜體詩 二十首并序

詩自曹劉下逮顏謝體裁各異均一時之雋也及江文通擬諸家三十首雖間有未盡然可謂妙解羣藻矣余慕其殊麗依之爲二十首略者十人慚鳧企鶴罔量非倫云爾

班婕妤 詠扇

團扇團如月月色比光妍此物豈云美君子心所憐炎暑充提携清風何翩翩但畏秋氣至微

質遂見遷懽愛始難畢中路傷棄捐

魏文帝 游宴

命駕游西園回輦高臺傍鳴笳引鮮飈羽蓋隨風翔靈泉依石渠綠波注金塘芙蓉吐朱華翠樹自成行飛禽映水曲潛鱗踊魚防零露停豐草良夕殊未央白雲含綺霄朗月垂素光仰看天漢上中心何慨慷人生非洪喬壽命安得長恣意百年內懽樂莫相忘

陳思王 贈友



西京興亂階四海罹艱厄皇佐奮神武股肱效  
羣畫英賢盡同朝夙願今始獲並坐接華綰聯  
步陵飛閣中饋薦甘旨金罍汎清酌眷言申情  
昵終讌展戲謔君子肅令儀俛仰存謙約明信  
良可希驕盈義所薄各享百歲期鑒此平生諾

劉文學公讌

步入西苑園遊戲芙蓉池明月照綠水神飈散  
文漪層軒跨通川雕檻承丹梯衆賓列長榻不  
醉且無歸苒苒泛清波華萼正參差清歌適風  
轉宿鳥東西飛公子興藻思濡翰相招携小臣  
非吉甫答賦安能希

王侍中從軍

出車鄴城外駕言指南鄉我君整六師赫怒征  
東方千艘沂淮浦武騎發河陽豈不懷歸思王  
事不可忘鬱鬱涉長途觸目多憂傷葭菼盈深  
崖榛棘蔽高岡悲風振中野陰雲起迴翔羈鳥  
鳴我前孤獸馳我傍伊昔東山人三年事戎行  
捐私報公家終以反故疆勉哉同袍子永言視



斯章

阮步兵

詠懷

驅馬出中野遠遊西山阿升高望四海惻愴將  
如何崑崙不可見六合垂網羅悠悠存亡門往  
來苦相加願隨安期子竦身入朝霞應龍扶靈  
輿倏忽經九遐逍遙宇宙外千歲復來過

張司空

閨情

初月升簾櫳涼風吹綺疏佳人阻晤語永夕獨  
躊躇羅幃張虛宇朱火照堂隅樂闋歡不足悲

興哀有餘寤寐思淑儷拊衿嘆離居

潘黃門

羈宦

登城涉層軒遙見洪河隈迅飈拂窮坂陰湍瀉  
幽崖哀鴻唳空臯征鶴翔高隄長秀延苞蔓喬  
幹垂華蕤跂予顧南路目極眺京畿清洛迥無  
津崇芒鬱崔嵬改服就外役夙夜守班司具瞻  
慚民望嘉命憊皇私異彼伐檀人徒蒙素餐譏  
撫已良自悼何以蔽前非操刀無餘技烹鮮有  
遺規雖乏禮樂才富庶聊可希



陸平原 行旅

發軔指脩塗頓轡臨廣川  
人並集送游子私自憐  
故鄉日已遠親愛坐相捐  
携手一何促分袂難久延  
絕景不可尋遺音邈以綿  
憂來鮮冉逝懽往豈重旋  
靡靡永徂邁冉冉薄暮年  
涼風起平陸積雪被長孺  
幽谷生曾陰高嶺結飛泉  
寒鳥無宿棲猛獸行不前  
惆悵感平生怨此世網牽  
懷歸殊未遂愾憤何由宣

左記室 詠史

崑崙白口曾閣切天階  
朱門夾馳道甲第東西  
峩峩衣冠士濟濟照金閨  
長嘯霄漢間歸來尋舊  
溪箕山爲我友首陽爲  
我儕洗耳千仞壑采薇  
清雲梯

張黃門 苦雨

金商送寒節火晏迎朝露  
斐斐丹霞滅翳翳玄雲  
聚密雨灑疎叢輕飈摧勁  
樹荒楚滿中宇芳華不盈  
步陰條豈再綠陽葉已改  
素獨居淹時運憂來將誰  
訴微志安可期傷哉年歲  
暮



劉太尉

傷亂

晉京涉厄運神州困夷孽乾棟隕炎燎坤輿覆  
危轍伊餘孱且弱負荷忝朝列愆釁既已淪衰  
憤徒云結惟昔仲山甫佐宣補衮闕范生反會  
稽再舉夫差滅高帝送新豐鴻門賴人傑靜言  
思數子傾已傷薄劣白日逝若飛俛仰值暮節  
良辰不可遇我志將安設大化信盈虛昏明亦  
更迭畢力濟公

盧郎中

日夕歷城闔迴策步林園北眺邯鄲道南瞻太  
行岫幽泉激清瀾荒薄森長秀曠野零飛藿重  
巖響哀狄傍隍含遠念眇眇展遐覲燕趙負豪  
略土風夙所究廉頗守長平秦人却西寇李牧  
出鴈門虜馬避南狩疇曩邁運會匠者顧微陋  
謬升朝右位濫陪羣彥後質非荆山璞雕飾良  
已厚中區增震盪邊鄙多斥候投迹依帷幄短  
策非可售仰慙昔賢軌嘉惠自難副斯言豈虛  
作亮之惟朋舊



郭弘農 遊仙

瑤溪臨赤岸曾潭揚素波  
巨鰲冠蓬萊玉堂映  
巖阿中有羽衣客陵岡  
拾若華髮鬢乘紫煙縹  
緲吸翠霞靈妃奏妙曲  
六蚪駕雲車西謁王母  
廬東戲海童家下視九  
垓內蜉蝣良可嗟

謝僕射 遊覽

蟋蟀調易苦蒹葭歌亦勞  
伊人曠邂逅良辰方  
鬱陶中情何由爲駕言  
出遊遨傍洲沂滌渚登  
盤散山椒白雲冒丹巘  
綠竹俯青阜夕鳥相調

啗陰籟坐飄飄佳期眇何許  
佇立摘蘭茗蹉跎  
歲云除詠言發長謠

陶徵君 田居

眷此南村居自昔紆真想  
一朝就仁里慙我心  
所仰故人盡比鄰時時共  
來往濁醪既同持清  
文亦俱賞日入未能去  
挈杖出林莽荒徑行當  
闢新苗漸已長多謝沮  
溺翁千載良吾黨

謝臨川 遊山

徂節淹登臨開歲促遊翫  
陰崖雪猶積陽溪冰



始泮進帆憇絕壁抗策陟窮岸撫化雖未盈即  
事已可玩幽谷風華媚晴峰雲彩粲尋異迹轉  
緬覽勝景迭換洲分島參錯巖聚岫迴亂丹梯  
架懸梁石室構層館初經洞穴底乍出翠微半  
羽人謝世運靈景變昏旦汗漫無冥筮䟽屬有  
塵絆放懷聊自慰含情爲誰嘆

顏特進侍宴

鈞臺書夏典靈囿誦周篇嘉會隆先祀豫遊及  
茲年春方協時律秘駕動星躔平圃躋倒景神

臯徑中天赤羽匝曾嶠青翰驚廣川華幢亘幽  
藹藻帳競高褰首歲布皇澤萬象光且鮮炙晷  
曜微霄宿氛霽遠山瑞煙拂蘭甸祥飈汎芝廬  
睿眷備終讌宸惠普下筵從邁咸世哲賡歌盡  
朝賢弱短困孤蹇明淑慙衆妍勅躬方自勗敷  
言非可宣

謝法曹贈別

駕言理行艫逝將越故林出邁薄長浦還望蔽  
高岑懷歸絕懽念悼別多苦心遙遙從此辭悠



悠存所欽

右一

所欽不可攀道塗亦云艱綢繆居人思悽愴客  
子顏去留勢並異聚散情相關傾側我西路偃  
仰爾東山

右二

東山及仲春愉悅對芳辰倚巖聽鳴嚶俯澗睇  
遊鱗遠尋協要妙近探謝囂塵邈矣隱淪者悲  
哉行旅人

右三

行旅已經時遂令憂若滋凝滯風潮際遲迴雨  
雪期繫纜指曲汜弭棹停空坻寤寐孰與語

枕怨乖離

乖離焉有常佳侶若參商諧合無定端契濶殊  
未央勞歌欲自慰贈言非可將寄款託微波延  
竚惠來章

鮑參軍戎言

家世隸部曲少小長幽并慣聞豪俠節耻預市  
井名邊秋胡馬肥虜障入龍城候騎速如飛一  
軍振且驚攬弓引鳴鈇行行遂徂征日落長風  
起愁陰千里生天時正懟怒意氣亦自盈左驅



鮮卑壘右逐單于營還師報天子受爵過秦京  
開宴■邸舍交懽競公卿一旦收奇績千載揚  
英聲

遊仙 十首

靈洲無氛翳石嶼屯翠霞遙望青冥中鬱鬱真  
人家真人出遨遊雲車一何多列坐玉臺上俛  
視瑤池波素女絃清商窈窕雜織羅神飈扇珠  
林哀響自相和歡來輟羽觴同賦升天歌

重華邈不作大道日以隱鳳鳥每高翔麒麟擺  
羈引志士悲時運光跡若電泯臨淵漱珠水悽  
山拾雲茵縱身天路上謝彼世塗窘乘化遊無  
窮萬劫不復盡

遠遊訪玄洲西造崑崙城長風萬里至吹我飄  
飄行崑崙何蕘蕘曲阿蔭滄溟碧樹夾蘭臺雲  
房鬱葱青徙倚東廂隈北上歷羽庭啓匱發靈  
圖上有列仙名久淹變化塗今日迺長生

精衛填東海筑筑累形軀哲人匡宇宙天命不  
可湏聞有山林士棄世以自娛願言從之遊齋



潔練羽書丹池可止渴晨餐咀雲珠度紀諒非  
難去去勿躊躇

三丘阻滄波瑤木蓋雲崖陰林隕珠寶白鶴連  
翩飛仙者五六人羨門與安期晞髮洞房阿石  
室清透迤我行入名山髣髴倏見之陵風欬森  
舉何時復來歸

東南有青雲鬱鬱照瀛洲巖隈列紫林丹水絡  
曾丘峨峨三珠宮遠望似煙浮山川屬靈壤光  
麗異神州列真乘羽車妖女並來游蒼龍扶玉  
輶翼以雙素蚪羲和不敢驅朱光正淹留徘徊  
離宮中歲紀欵千周

天地有否塞賢聖困無佐潛龍應初九鶴鳴疇  
與和九州肆遐步五嶽恣高卧遠慙夸父死近  
悼首陽餓我生匪金石大冶不能挫神明歷終  
古三光莫予過

采藥謁東海芝石被神階借問此何鄉乃是真  
人所青峰萬餘仞去天復幾許沄沄赤泉涌亭  
亭白雲舉淒風薄穹岫鸞鵠整其羽空山寂無



人含嘯獨延佇  
短期不須更  
大暮有淹滯  
睠然迫中抱  
淪跡謝  
人世案牒窮  
山海消玉畢  
年歲岱宗籍  
已絕司  
命授靈契  
形容日漸反  
魂魄為我制  
薪火遞相  
傳舟壑不復逝

上僊有會期  
解化升帝鄉  
消搖入雲氣  
迅若輕  
翼翔赤霄  
浮九隅  
闔闔爍朱光  
踟躕步閣道  
執  
籒朝紫房  
駕言歸下都  
置酒宴玉堂  
靈妃靡颺  
蓋列坐侍僊  
倡絲竹間雲  
和絡繹進羽  
觴遊行  
天漢上  
懽樂殊未央



漢書





